



WORLD SOCIAL
SECURITY FORUM
KUALA LUMPUR 2025
29 SEPTEMBER – 3 OCTOBER 2025

Hosted by:



With support from:



EMBARGO: Tidak boleh dicetak atau disiarkan di mana-mana platform media sosial sebelum jam 12 tengah hari, 24 September 2025

Untuk Terbitan Media
24 September 2025

SIARAN MEDIA

MALAYSIA BERSIAP SEDIA KETUAI PERBINCANGAN GLOBAL BERKENAAN MASA DEPAN KESELAMATAN SOSIAL

KUALA LUMPUR: Tumpuan dunia bakal terarah kepada Malaysia apabila Forum Keselamatan Sosial Dunia 2025 (WSSF) berlangsung di Pusat Konvensyen Kuala Lumpur (KLCC).

Forum lima hari yang bermula dari 29 September hingga 3 Oktober ini akan menghimpunkan pemimpin dari hampir 300 organisasi keselamatan sosial dari seluruh benua bagi membincangkan cabaran perlindungan sosial dalam dunia yang sentiasa berubah dengan pantas.

Forum dwitahunan peringkat global ini akan dirasmikan oleh Perdana Menteri, Dato' Seri Anwar Ibrahim, serta dihadiri oleh Menteri Sumber Manusia, Steven Sim Chee Keong dan Presiden Persatuan Keselamatan Sosial Antarabangsa (ISSA), Dato' Sri Dr. Mohammed Azman Aziz Mohammed.

Dengan tema "*Membentuk Keselamatan Sosial untuk Dunia dalam Peralihan*", forum ini akan membincangkan cabaran dan peluang yang wujud akibat perubahan demografi global, dinamik pasaran buruh serta kemajuan teknologi, di samping meneroka usaha ke arah memastikan kelestarian perlindungan sosial.

Lebih 1,500 perwakilan dari lebih 150 negara dijangka hadir, termasuk Menteri, Ketua Pegawai Eksekutif, pakar teknikal serta wakil-wakil daripada organisasi antarabangsa.

Antara peserta ternama ialah Fiona Elizabeth Stewart, Ketua Global Bank Dunia dalam bidang Penuaan dan Pencen, serta Razavi Shahrashoub, Pengarah Perlindungan Sosial Pertubuhan Buruh Antarabangsa (ILO).

Delegasi dari negara-negara seperti Amerika Syarikat, China, Jerman, Sepanyol, Brazil, Iceland, Switzerland, Oman, Cameroon, Türkiye, India dan Uruguay juga akan mengambil bahagian dalam program di Kuala Lumpur.

Persidangan ini turut akan menampilkan pendekatan Malaysia dalam bidang keselamatan sosial, yang akan diketengahkan dalam Sesi Plenari Nasional oleh beberapa Menteri Malaysia.

Antaranya Steven Sim; Menteri Pelaburan, Perdagangan dan Industri, Tengku Datuk Seri Zafrul Abdul Aziz; Menteri Kesihatan, Datuk Seri Dr Dzulkefly Ahmad; Menteri Digital, Gobind Singh Deo; Menteri Belia dan Sukan, Hannah Yeoh; serta Menteri Pembangunan Wanita, Keluarga dan Masyarakat, Dato' Sri Nancy Shukri.

“WSSF 2025 merupakan platform penting untuk membincangkan dan meneroka idea baharu, inovasi, serta pendekatan futuristik.

“Persidangan ini akan meneroka idea-idea inovatif dan futuristik bagi memperkukuh sistem keselamatan sosial supaya ia kekal relevan, inklusif dan berdaya tahan dalam menghadapi cabaran global semasa,” menurut Pertubuhan Keselamatan Sosial (PERKESO) dalam satu kenyataan hari ini.

Sepanjang lima hari, forum ini akan menjadi ruang utama untuk pertukaran ilmu dan kerjasama antarabangsa, merangkumi sesi pleno, sesi selari, sesi interaktif, bengkel, tutorial zon inovasi bagi memberikan pengalaman menyeluruh dan mendalam kepada semua peserta.

Buat julung kalinya, forum ini akan memperkenalkan Festival dan Anugerah Video Keselamatan Sosial Antarabangsa, yang direka khusus untuk meraikan komitmen mereka dalam mempromosikan keselamatan sosial.

Selain itu, Anugerah Pencapaian Cemerlang ISSA akan diberikan kepada negara-negara yang menunjukkan kejayaan luar biasa dalam memperkukuh sistem keselamatan sosial mereka.

WSSF 2025 dianjurkan oleh Persatuan Keselamatan Sosial Antarabangsa (ISSA), dengan kerjasama PERKESO dan Kumpulan Wang Simpanan Pekerja (KWSP). Program ini turut mendapat sokongan daripada Kumpulan Wang Persaraan (Diperbadankan) [KWAP] serta Unit Penyelarasan Pelaksanaan, Jabatan Perdana Menteri (ICU JPM) selaku sekretariat Majlis Perlindungan Sosial Malaysia (MySPC).

Untuk maklumat lanjut mengenai forum ini, sila layari laman web www.issa.int/wssf2025.

##TAMAT##

Dikeluarkan oleh:
Bahagian Komunikasi dan Hal Ehwal Korporat
23 Jun 2025

Untuk pertanyaan media, sila hubungi
Ikhlil Fatihah Kamal Redzuan
+6019-3273193
fatihah.redzuan@perkeso.gov.my

Ridauddin Daud
+6019-3265772
ridauddin.daud@perkeso.gov.my